



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

I. Vt fidei Nicaenae norma in omnibus conseruetur.

urn:nbn:de:hbz:466:1-15300

domini Clodouei regis, pro zelo religionis, vel orthodoxæ fidei dilectione, in Cabilonenſi vrbe in eccleſia ſancti Vincentii pariter conglobati, ipſius ſancti martyris interceſſionem poſcentes, vt longæuitatem ſupradicti principis ſuo ſuffragio mereremur, & inspiratione diuina interueniente, de Canonibus ſignificaretur, quod ſi fuiſſet aliquid prætermiſſum, vel per negligentiam, aut ignorantiam vitiatum, in priſtinum ſtatum, ſicut dudum fuerat a ſanctis patribus ſtatutum, deberet auxiliante Chriſto Domino reformari.

ANNO
CHRISTI
650.

C A N O N E S.

I.

Ita omnes vna conſpiratione & conniuente animo ſentientes definiuimus, vt fidei norma, ſicut in Nicæno Concilio pia eſt profeſſione firmata, vel a ſanctis patribus tradita, atque ab ipſis expoſita, vel in poſtmodum a ſancto etiam Calchedonenſi Concilio firmata, in omnibus & ab omnibus conſeruetur.

II.

Canonum vero ſtatuta ab omnibus intemerata ſeruentur.

III.

Licet iam prioribus Canonibus fuerit ſtatutum, placuit tamen renouare, vt ſi quis epiſcopus, præſbyter, aut diaconus, vel quicumque ex ſacerdotali catalogo, præter perſonas quæ in ipſis Canonibus continentur, cum qualicumque extranea muliere familiaritatem habere præſumpſerit, quæ dedecoris vel adulterii poſſit afferre ſuſpicionem, iuxta ſtatuta Canonum ab ordine degradetur.

IV.

Vt duo in vna ciuitate penitus vno tempore nec ordinentur, nec habeantur epiſcopi, ne res eccleſiæ ſæua diuiſione debeant partiri.